



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj: \_\_\_\_\_.

Datum: \_\_\_\_\_.

PRIJEDLOG

Na osnovu člana 14. stav 4., a u vezi sa članom 16. stavom 2., 4. i 5. Zakona o eksproprijaciji ("Službene novine FBiH", broj: 70/07 i 36/10) i člana 14. stav 4. Statuta općine Tešanj ("Službeni glasnik Općine Tešanj", broj: 11/07), rješavajući po prijedlogu Općinskog pravobranilaštva Općine Tešanj i Doboj-Jug, za utvrđenje javnog interesa u cilju izgradnje primarnih kolektora sistema prikupljanja i odvodnje otpadnih voda na području općine Tešanj, Općinsko vijeće Općine Tešanj, na redovnoj sjednici održanoj, dana, \_\_\_\_\_ 2014.g., donosi

## **ODLUKU**

**1.UTVRĐUJE SE DA JE OD JAVNOG INTERESA** izgradnja primarnih kolektora sistema prikupljanja i odvodnje otpadnih voda na području općine Tešanj, pa se radi postavljanja i održavanja vodovodnih cijevi može pristupiti nepotpunoj eksproprijaciji (ustanovljenju služnosti) na dijelovima parcela upisanih u K.O. Tešanjka, Medakovo, Raduša, Jelah, Mekiš, Tešanj I, Tešanj II, Piljužići, Lepenica, Kalošević, Jevadžije, Novo Selo, Rosulje, Mrkotić, Miljanovci Donji i Kraševo (dijelovi predmetnih parcela utvrđeni su Idejnim projektom urađen od strane IPSA INSTITUT d.o.o. Sarajevo).

**2.** Utvrđuje se da je Općina Tešanj korisnik nepotpune eksproprijacije na dijelovima parcelama koje će biti označene u rješenju koje donese nadležna Služba u postupku ustanovljenja služnosti.

**3.** Shema primarnih kolektora prikazana je u Idejnom projektu urađen od strane IPSA INSTITUT d.o.o. Sarajevo

**4.** Protiv ove Odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana računajući od dana prijema ove Odluke. Tužba se podnosi neposredno sudu.

**PREDSJEDAVAJUĆI  
OPĆINSKOG VIJEĆA:**

Fuad Šišić, dipl.ing.maš.

## OBRAZLOŽENJE

### PRAVNI OSNOV:

Član 8. stav 1., član 14. stav 4., član 16. stav 2., 4. i 5. Zakona o eksproprijaciji ("Službene novine FBiH"; broj: 70/07 i 36/10) i član 14. Statuta općine Tešanj ("Službeni glasnik Općine Tešanj", broj: 11/07).

### RAZLOZI DONOŠENJA:

Putem Službe za katastar, urbanizam i imovinsko pravne- poslove, Općine Tešanj, podnesen je prijedlog od strane Općinskog pravobranilaštva Općine Tešanj i Doboj-Jug, u skladu sa Zakonom o eksproprijaciji, radi utvrđivanja javnog interesa za nepotpunu eksproprijaciju ustanovljenjem služnosti za izgradnju primarnih kolektora sistema prikupljanja i odvodnje otpadnih voda na području općine Tešanj. U zaprimljenom prijedlogu navedeno je da se prema tehničkim normativima može pristupiti nepotpunoj eksproprijaciji ustanovljenjem služnosti na nekretninama u privatnoj svojini odnosno ograničavanju prava korištenja istih u korist korisnika nepotpune eksproprijacije općine Tešanj, nekretnina navedenih u tabelarnom prikazu.

Budući da je izgradnja primarnih kolektora sistema prikupljanja i odvodnje otpadnih voda na području općine Tešanj, od velikog je značaja za općinu Tešanj kako za privredni tako i za ekološki značaj, tako je u cilju izgradnje primarnih kolektora sistema prikupljanja i odvodnje otpadnih voda na području općine Tešanj, donesen je Idejni projekat urađen od strane IPSA INSTITUT d.o.o. Sarajevo a u toku je izrada Glavnog projekta.

U smislu naprijed izloženog, predlaže se Općinskom Vijeću kao nadležnom tijelu, da usvoji prijedlog ove Odluke kojim se utvrđuje da je od javnog interesa izgradnja primarnih kolektora sistema prikupljanja i odvodnje otpadnih voda na području općine Tešanj, te da se može pokrenuti postupak nepotpune eksproprijacije u korist korisnika eksproprijacije Općine Tešanj.

Općinskom Vijeću Općine Tešanj se predlaže da u smislu naprijed izloženog, usvoji Prijedlog ove Odluke.

### OBRAĐIVAČ:

Služba za katastar, urbanizam i imovinsko- pravne  
poslove  
POMOĆNIK OPĆINSKOG NAČELNIKA

NADIR Medarić, dipl. ing. geodezije

### PREDLAGAČ: OPĆINSKI NAČELNIK: OPĆINE TEŠANJ

mr.sc.SUAD Huskić, profesor

Broj: 02-31-3-115-3/14.

Dana, 07.02.2014.g.